



Lasse Angelskår  
Hellandsvegen 81  
5936 Manger

Referansar:  
Dykkar:  
Vår: 22/7098 - 22/85601

Sakshandsamar:  
Svein Arne Vågane  
svein.arne.vagane@alver.kommune.no

Dato:  
10.11.2022

## Løyve til å byggje landbruksveg på gbnr. 439/2 på Nedre Tveiten i Alver kommune

**Administrativt vedtak: Saknr: 1270/22**

### VEDTAK:

Med heimel i forskrift om planlegging og godkjenning av landbruksvegar gjev Alver kommune Lasse Angelskår løyve til å byggje omsøkt landbruksveg på gnr. 439, bnr. 2 Nedre Tveiten.

### Det vert sett fylgjande vilkår:

- Om det kjem fram kulturminne under arbeidet må alt arbeid stogast og Vestland fylkeskommune, avdeling for kultur, idrett inkludering varslast.
- Under arbeidet må ein så langt råd er, søkje å unngå skade/inngrep på eventuelle kulturlandskapstrekk.
- Om det er naudsynt å bruke tilkøyrt masse, må tiltakshavar dokumentere at massane ikkje er ureina.
- Vegen må byggjast i tråd med tekniske krav som vedkjem vegklasse 7 i «Normaler for landbruksveier – med byggebeskrivelse.
- Vedtaket er gyldig til 01.12.2025 og tiltaket må vere ferdig innan 01.12.2026.

**Om ikkje arbeidet er sett i gong innan frist for løyvet, fell løyvet bort jf. landbruksvegforskrifta § 3-2.**

### Saka gjeld

Lasse Angelskår søker om å byggje landbruksveg i vegklasse 7 – traktorveg. Vegen vil verte om lag 225 m og dekningsområde er oppgjeve til å 70 daa fordelt på 20 daa produktiv skog 50 daa jordbruksareal. Veginteressene fordeler seg i fylgje søknaden slik: 50% jordbruk og 50% skogbruk.

Vegen er kostnadsrekna til om lag kr 225.000.

## VURDERING:

Føremålet med landbruksvegforskrifta er å sikre at planlegging og bygging av landbruksvegar skjer på ein måte som gjev best moglege heilskapsløysingar. Samstundes skal det leggjast vekt på omsynet til miljøverdiar som naturmangfald, landskap, kulturminne og friluftsliv, omsynet til fare for flaum, erosjon og lausmasseskred og endeleg andre interesser som vert råka av vegframføringa.

Vegen gjev tilkomst til beite og betre opparbeiding og drift av dette. Kommunen meiner skoginteressene er lågare enn 50% i dette prosjektet. Søkjar driv med sau og storfekjøpproduksjon og har som mål å utvide produksjonen. Godt og rikeleg med beite er viktig for slik produksjon. Vegen er slik sett i tråd med føremålet.



*Fig. 1. Delar av vegen ligg alt i terrenget, men treng oppgradering. Vegen vil halde fram mot beitet som har gul farge i bakgrunnen.*

Vegen er søkt bygd i vegklasse 7 – traktorveg. Krav i høve vegbreidd, stikkrenner etc finn ein i «normaler for landbruksveier – med byggebeskrivelse». Vegen må byggjast i samsvar med dei krav for vegklassen som er oppstilt der.





Fig. 2. Veglina skal gå om lag slik pila syner. Ved å leggje traséen i høgre kant av jordet og inn mot gjerdet, sparar ein mykje dyrka jord. Beitet som skal ha tilkomst, ligg bak ryggen til venstre.

Prinsippa i §§ 8-12 i naturmangfaldslova er lagt til grunn ved vurdering av vedtaket. Det er særleg lagt vekt på berekraftig bruk og vern av naturmangfald der den samla belastninga for økosystemet vert vurdert både på staden, men òg i ein større samanheng. Kommunen har mellom anna søkt i naturbasen (via gardskart) og artsdatabanken. Det er ikkje gjort funn i traséen eller området i nærleiken.

Søknaden har vore sendt på høyring til Vestland fylkeskommune, Statsforvaltaren i Vestland og Alver kommune, kultur.

Vestland fylkeskommune kan ikkje sjå at traséen kjem i direkte konflikt med kjende automatisk freda kulturminne. Fylkeskommunen har difor ingen avgjerande merknader utover at ein under arbeidet søkjer å unngå inngrep/skade på eventuelle kulturlandskapstrekk som steingardar, eldre vegar/stiar, bakkemurar, tuffer med meir.

Fylkeskommunen syner òg til meldeplikta etter kulturminnelova § 8, 2.ledd. Dersom automatisk freda kulturminne som gjenstandsfunn, flekkar med trekol eller konstruksjonar vert avdekt under arbeidet, må dette straks meldast til Vestland fylkeskommune. Alt arbeid må då stogkast til rette forvaltningsmynde har vurdert funnet. Eventuell gransking vil verte gjennomført mindre enn 3 dagar etter melding om mogleg funn.

Statsforvaltaren har etter ein kort sjekk, vurdert både miljø- og landbruksinteressene. Statsforvaltaren har ingen merknad til søknaden.

Alver kommune, kultur har ikkje kome med merknader i saka.

Heile veganlegget ligg på bnr. 2 (inkludert tilkomstveg) og det er ikkje naudsynt med å avklare privatrettslege tilhøve.

Etter ei samla vurdering finn kommunen at søknaden kan komast i møte.

### **Regelverk**

- Forskrift om planlegging og bygging av landbruksvegar
- Normaler for landbruksveier – med byggebeskrivelse
- Naturmangfaldslova
- Forvaltningslova

### **Mynde**

Saka er handsama og avgjort administrativt i medhald av delegert mynde, jf. kommunelova § 23 nr. 4 og gjeldande delegeringsreglement.

### **Klage**

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker, jf. fvl § 29 (1). Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Før det kan reisast søksmål om vedtaket er gyldig eller krav om erstatning, må høve til å klage på vedtaket vere nytta fullt ut, jf. fvl. § 27b.

Ved all vidare kontakt i denne saka, ver venleg og referer til saknr.: «22/7098»

Med venleg helsing  
Alver kommune, Landbruk

Laila Bjørge  
Avdelingsleiar

Svein Arne Vågane  
Rådgjevar

*Dette dokumentet er elektronisk godkjent og har difor ingen signatur.*

### **Mottakarar:**

Lasse Angelskår

Hellandsvegen 81

5936

Manger